

UPUTSTVO ZA AUTORE

Sve rukopise za ttem treba slati na e-mail adresu: ttem_bih@yahoo.com

Svaki upućeni časopis dobija svoj broj i autor (i) se obavještavaju o prijemu rada i njegovom broju. Taj broj koristit će se u svakoj korespondenciji. Rukopis treba otipkati na standardnoj veličini papira (format A4), ostavljajući s lijeve strane marginu od najmanje 3 cm. Sav materijal, uključujući tabele i reference, mora biti otipkan dvostrukim proredom, tako da na jednoj strani nema više od 2.000 alfanumeričkih karaktera (30 linija). Rad treba slati u triplikatu, s tim da original jedan prilog materijala može biti i fotokopija. Način prezentacije rada ovisi o prirodi materijala, a (uobičajeno) treba da se sastoji od naslovne stranice, sažetka, teksta, referenci, tabela, legendi za slike i slika. Svoj rad otipkajte u MS Wordu i dostavite na disketi ili kompaktnom disku Redakcijskom odboru, čime će te olakšati redakciju vašeg rada.

NASLOVNA STRANA

Svaki rukopis mora imati naslovnu stranicu s naslovom rada ne više od 10 riječi: imena autora; naziv ustanove ili ustanova kojima autori pripadaju; skraćeni naslov rada s najviše 45 slovnih mjesta i praznina; fusnotu u kojoj se izražavaju zahvale i/ili finansijska potpora i pomoć u realizaciji rada, te ime i adresa prvog autora ili osobe koja će s Redakcijskim odborom održavati i korespondenciju.

SAŽETAK

Sažetak treba da sadrži sve bitne činjenice rada-svrhu rada, korištene metode, bitne rezultate (sa specifičnim podacima, ako je to moguće) i osnovne zaključke. Sažeci trebaju da imaju prikaz istaknutih podataka, ideja i zaključaka iz teksta. U sažetku se ne citiraju reference. Ispod teksta treba dodati najviše četiri ključne riječi.

SAŽETAK NA BOSANSKOM JEZIKU

Prilog radu je i prošireni struktuirani sažetak (cilj), metode, rezultati, rasprava, zaključak) na bosanskom jeziku od 500 do 600 riječi, uz naslov rada, inicijale imena i prezimena autora te naziv ustanova na engleskom jeziku. Ispod sažetka navode se ključne riječi koje su bitne za brzu identifikaciju i klasifikaciju sadržaja rada.

CENTRALNI DIO RUKOPISA

Izvorni radovi sadrže ove dijelove: uvod, cilj rada, metode rada, rezultati, rasprava i zaključci. Uvod je kratak i jasan prikaz problema, cilj sadrži kratak opis svrhe istraživanja. Metode se prikazuju tako da čitaoci omoguće ponavljanje opisanog istraživanja. Poznate

metode se ne navode nego se navode izvorni literaturni podaci. Rezultate treba prikazati jasno i logički, a njihovu značajnost dokazati odgovarajućim statističkim metodama. U raspravi se tumače dobiveni rezultati i uspoređuju s postojećim spoznajama na tom području. Zaključci moraju odgovoriti postavljenom cilju rada.

REFERENCE

Reference treba navoditi u onom obimu koliko su stvarno korištene. Preporučuje se navođenje novie literature. Samo publicirani radovi (ili radovi koji su prihvaćeni za objavljivanje) mogu se smatrati referencama. Neobjavljena zapažanja i lična saopćenja treba navoditi u tekstu u zagradama. Reference se označavaju onim redom kako s pojavljuju u tekstu. One koje se citiraju u tabelama ili uz slike također se numeriraju u skladu s redoslijedom citiranja. Ako se navodi rad sa šest ili manje autora, sva imena autora treba citirati; ako je u citirani članak uključeno sedam ili više autora, navode se samo prva tri imena autora s dodatkom "et al". Kada je autor nepoznat, treba na početku citiranog članka označiti "Anon". Fusnote-komentare, objašnjenja, itd. Ne treba koristiti u radu.

STATISTIČKA ANALIZA

Testove koji se koriste u statističkim analizama treba prikazivati i u tekstu i na tabelama ili slikama koje sadrže statistička poređenja.

TABELE I SLIKE

Tabele treba numerirati prema redoslijedu i tako ih prikazati da se mogu razumjeti i bez čitanja teksta. Svaki stubac mora imati svoje zaglavlje, a mjerne jedinice (SI) moraju biti jasno označene, najbolje u fusnotama ispod tabela, arapskim brojevima ili simbolima. Slike također, treba numerisati po redoslijedu javljaju u tekstu. Crteže treba priložiti na bijelom papiru ili paus papiru, a crno-bijele fotografije na sjajnom papiru. Legende uz crteže i slike treba napisati na posebnom papiru formata A4. Sve ilustracije (slike, crteži, dijagrami) moraju biti originalne i na poledini sadržavati broj ilustracije, prezime prvog autora, skraćeni naslov rada i vrh slike. Poželjno je da u tekstu autor označi mjesto za tabelu ili sliku. Slike je potrebno dostavljati u TIFF formatu rezolucije 300 DPI.

KORIŠTENJE KRATICA

Upotrebu kratica treba svesti na minimum. Konvencionalne SI jedinice mogu se koristiti i bez njihovih definicija.